

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** Te Reo Whakataukī

**Aronga:** Ngā Mahi a te Rēhia 1.2C

**Paerewa Paetae:** Ngā Mahi a te Rēhia 1.2

**Kaupae:** 1

**Whiwhinga:** 6

### He Tohutohu mā te Ākonga

#### I tēnei ngohe

I tēnei ngohe, ka tūhura, ka whai koe i ngā tukanga toi rēhia ki te whakarite whakaaturanga.

#### Te horopaki

Ko tāu nā mahi he mahi takirōpū ki te whakarite whakaaturanga e hāngai ana ki tētahi whakataukī.

Mā koutou ko tō rōpū tētahi whakataukī e kōwhiri hei kaupapa mō te whakaaturanga. Kātahi ka mahi takirōpū ki te whakarite whakaaturanga e whakamāoritia atu ai aua āhuratanga.

Ka aromatawaingia tāu whakaatu māramatanga ki ngā tukanga toi rēhia e tika ana hei whakaatu i ngā āhuratanga o te whakataukī.

#### Hei mahi

Kōwhiria tētahi whakataukī hei kaupapa mō tā koutou whakaaturanga. Matapakihia hei rōpū ngā kōrero, ngā uara, ngā kaupapa matua anō hoki o te whakataukī. Kōwhiria, whāia ngā tukanga toi e tika ana hei whakamāori atu i ngā āhuratanga matua o te whakataukī.

Whakaritea tā koutou whakaaturanga me ōna nekehanga kia waihangatia ai tētahi raupapa e kaha whakamāori nei i ngā kaupapa matua o te whakataukī. Hopukina ngā kōrero, whakaaro katoa hoki hei taunakitanga mō tāu ake hautaka. Ko te hautaka tērā hei taunaki i tāu tūhura i ngā tukanga, nō reira, kia kaha, kia tika te tāuru i ngā kōrero/whakaaro/whakawhanaketanga katoa ki roto.

Mahia tā koutou whakaaturanga i mua i te whakaminenga, i te pū whakaahua rānei.

## Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā toi rēhia me te whakarite whakaaturanga.</p>
whakaaturanga	<p>Ngā momo whakaaturanga katoa e hāngai ana ki Ngā Mahi a te Rēhia, hei taurira, ko te whakaari, ko te whakataki toikupu, ko te kanikani</p>